



**Philippi Ecclesiae Eystettensis XXXIX. Episcopi. De
Eivsdem Ecclesiae Divis Tvtelaribvs. S. Richardo. S.
Willibaldo. S. Wvnibaldo. S. Walpvrga. Commentarius
nunc primum evulgatus**

Philipp <Eichstätt, Bischof>

Ingolstadii, 1617


II. De S Wvunibaldo.

[urn:nbn:de:hbz:466:1-70477](https://nbn-resolving.org/urn:nbn:de:hbz:466:1-70477)

Deodatum seu Adeodatū, quem etiam Martyrij corona redimitum ait. Fortè cum S. Bonifacio illustrem hanc palmam adeptus est, cui Beda in Epitome socios Martyrij LIII. assignat. Hucbaldus de S. Lebuino LII.

CAPVT II.

De S. Wunibaldo.

 Ræter ea, quæ Philippus habet, & quæ continentur in historia vitæ Willibaldinæ Tomo IV. Antiquæ Lectionis, & quæ passim quoq; à nobis lib. I. Observationum disputata sunt, pauca restant de S. Wunibaldo, cuius anniuersaria memoria colitur XVIII Decembris. Quem diem Arnoldus² Wion lib. 3. *Ligni vitæ* alterius Wunibaldi seu Winibaldi memoria illustrat, quem ait fuisse Abbatem S. Lupi Trecentis, & floruisse circa annum DC. XX. Trithemium hac in parte secutus libro 3. de viris Illustribus Ordinis S. Benedicti cap. 67. Vt cunque sit, noster Winibaldus seu Wunibaldus Abbas haud inuitus in communionem eiusdem diei Trecentem illum Abbatem recipiet. Sacerdos creatus est à S. Bonifacio in Thuringia; annus incertus est, septemque Ecclesiis Præfectus. Quod in tanta operariorum penuria mirum videri non debet.

Anno Domini M. CCC. LXIII. translatus est S. Wunibaldus Heidenheimij in nouum chorum; de qua translatione isthæc Henricus Rebdorffensis². *In octaua Pentecostes S. Wunibaldi Confessoris in Heidenheim facta est translatio in nouum chorum, cuius Reliquiis cum postea deferrentur in stillicidium huius in magna abundantia manatum est adhuc existens S. VValpurgis.* Ita edidit Fre-
p herus,

herus, Tomo I. Illustrium scriptorum Germania, sed locus omnino corruptus est; cui existimabam ex M. S. codice Bibliothecæ Rebdorffensis medicinam adferri posse. Verum spe mea falsus sum; nam Codex ille, aequè hoc loco vitiosus est ac editio: clarior paulò sensus erit, si legas, *Reliquia*. Videtur enim hoc dicere: Reliquias S. VVunibaldi allatas esse in stillicidium, hoc est, ad sepulchrum B. Walpurgis, seu ad locum illum, in quem stillæ olei ex lipsanis S. Walpurgæ decidunt, & mox ad Reliquiarum præsentiam oleum copiosius ex ossibus S. Walpurgis fluxisse; quasi Virgo fratris præsentiam senserit, & in eius gratiam & honorem, sacrum liquorem largius effuderit.

Hic si non sit legitimus sensus, tum fateor, me nullum alium ex tam corruptis verbis extundere posse: nam ex ipsis Reliquiis S. Wunibaldi copiosum oleum manasse ad exemplum S. Walpurgis, verisimiliter nõ affirmatur, cum id à nullo veterum sit memoriæ mandatum, neque Henrici verba huc nos necessario trahant. Obstat tamen, quòd iam ante aliquot annorum Centurias Reliquiæ D. VValpurgis Heidenheimio Eystadium translatae fuerint, vt suo loco planum fiet: nec cum aliqua verisimilitudine asseri potest, Reliquias S. VVunibaldi in hac translatione prius Eystadium adductas esse ad S. VValpurgis sepulchrum. Probabilius forsàn est, aliquid de Lipsanis S. VValpurgæ Heidenheimij relictum & asseruatum fuisse, ex quo oleum itidem, vt Eychstadij effluxerit.

Vt Monasterium seu Cellam S. Solæ, ita & Heidenheimense cœnobium heresis Lutherana deprædata est, incolis fugatis, & relictibus eò translatis vel conuersis, quòd ex fundatorum primorum mente mi-

nimè

nimè transferri vel conuerti poterant. Sed ea est hodiernæ hæreseos natura, vt dummodo libidinè suam expleat, & antiquorum instituta conuellat, nec superiores, nec inferos moretur.

In Chronico Constantiensi, quod clarissimus vir D. Ioannes Pistorius euulgauit. *S. VVunibaldi ex Franconia Scheram, (quod Illustrissimi Christophori Truckseßij in VValdpurg oppidum est) importata ab eodè Barone Reliquia (id est, totum corpus) ubi iam miraculis inclarescunt.* Ego verò tantum de sacro D. VVunibaldi capite, ex hæreticorum faucibus erepto, Scheramque translato audieram, testante illud etiam R. P. Carolo Stengelio, Augustæ ad D. Vdalricum Ord. D. Benedicti Professo, qui rogatu generosi illius Baronis elegantem commentariolum de S. VVunibaldo conscripsit, tamen si Baro ille prius ad S. VVunibaldum abiit, quàm Commentariolus lucem aspiceret. Utinam, miracula Scheræ per S. VVunibaldi Reliquias edita, authenticè confirmata, aliquando ad laudem cum primis Dei, tum etiam S. VVunibaldi publicentur.

Aliquid de Reliquiis S. VVunibaldi delatum est Furnos in Flandriam vnà cum aliqua portione de S. Willibaldo & S. Walpurga, vt suo loco diximus.

Insigne elogium S. Wunibaldi reperitur in commentariolo de vita & passione S. Bonifacij, idq; non à vulgari quopiam, sed ab ipso S. Ludgero, commentarioli illius scriptore, profectū. *Germanus prædicti VVilibaldi, nomine VVinnibaldus Presbyter, Magistro meo beato Gregorio valde charus, & ipse locum & regionem suam sanctè & feliciter illustrauit, qui post obitum suum, quid viuens fecerit, magnis miraculis ostendit.* Hæc S. Ludgerus. Est autem Gregorius iste, cui VVunibaldus tam charus

erat, clarissimus D. Bonifacij in Frisonum gente conuertenda adiutor, Ultraiectésis Antistes, cuius res gestas idem S. Ludgerus à rebus S. Bonifacij non disiunxit, sed vna eademque lucubratione complexus est, quæ nuper in lucem prodiit studio R. P. Christophori Brouveri nostri. *100*

CAPVT III.

De S. Walpurga aliisque sanctis foeminis à S. Bonifacio in Germaniam euocatis.

DE hac Trithemius lib. 3. de viris Illustribus Ordinis S. Benedicti cap. 250. *Walpurgis Abbatissa in Heidenheim Eistettensis diœcesis, soror S. Villibaldi Episcopi, natione Anglica, Virgo sanctissima conuersationis, multis virtutibus & signis clara enituit, cuius inclytagesta diligenter conscripta sunt. Claruit circa annos Domini septingentos quinquaginta. Obiit 5. Calend. Martij. Sed ad Eistat translata est Calendis Maij, quando etiam eius festiuitas agitur. Hæc ille.* Verùm translatio Heidenheimio Eychstadium non celebratur primo die Maij, sed XII. Oct. Kalendæ Maij dicatæ sunt canonizationi S. Walburgis, quando ab Adriano II. Pontifice, circa annum Redemptoris DCCC. LXX. in Diuorum numerum relata est. Oleum ex sacris lipsanis eius fluit, nec toto anno fluit, sed incipit fluxus à memoria translationis, hoc est, à XII. Octobris, vsque ad diem obitus, hoc est, ad XXV. Februarij, penetrat autem sacer hic liquor per durum saxum; quod miraculi magnitudinem non parum auget.

Celebris est Germanis, etiam Belgis, huius Virginis memoria; quod testatur I. frequens vsus imponendi

10 Anno b. g. m. 776.)